

經史百家雜鈔

冊二

經史百家雜鈔卷第四目錄

詞賦之屬上編二

揚雄羽獵賦 長楊賦 甘泉賦 河東賦 反離騷 解嘲 解

班固兩都賦 幽通賦 答賓戲

張衡兩京賦 思立賦

王粲登樓賦

劉伶酒德頌

經史百家雜鈔卷第四

湘鄉曾國藩纂

合肥李鴻章校刊

詞賦之屬上編二

揚雄羽獵賦〔並序〕

孝成帝時羽獵。雄從以爲昔在二帝三王。宮館臺榭。沼池苑囿。林麓藪澤。財足以奉郊廟。御賓客。充庖廚而已。不奪百姓膏腴。穀土桑柘之地。女有餘布。男有餘粟。國家殷富。上下交足。故甘露零其庭。醴泉流其唐。鳳皇巢其樹。黃龍遊其沼。麒麟臻其囿。神爵棲其林。昔者禹任益虞而上下和。草木茂。成湯好田而天下用足。文王囿百里。民以爲尚小。齊宣王囿四十里。民以爲大。裕民之與奪民也。武帝廣開上林。東南至宜春鼎湖。御宿昆吾。旁南山。西至長楊五柞。北繞黃山。濱渭而東。周袤數百里。穿昆明池。象滇河。營建章鳳闕。神明駁娑。漸臺泰液。象海水。周流方丈。瀛洲蓬萊。游觀侈靡。窮妙極麗。雖頗割其三垂以贍齊民。然至羽獵。甲車戎馬。器械儲侍。禁禦所營。尚泰奢。麗誇詡。非堯舜成湯文王三驅之意也。又恐後世復修前好。不折中以泉臺。故聊因校獵。賦以風之。其辭曰。或稱羲農。豈或帝王之彌文哉。論者云否。各以並時而得宜。奚必同條而共貫。則泰山之封焉。得七十而有二儀。是以創業垂統者。俱不

見其爽。遐邇五三孰知其是非。遂作頌曰。麗哉神聖。處於玄宮。富既與地乎侔。訾貴正與天乎比。崇齊桓會不足使扶轂。楚莊未足以爲驂乘。狹三王之阨僻。嶠高舉而大興。歷五帝之寥廓。涉三皇之登閔。建道德以爲師。友仁義與爲朋。〔以上渾頌帝業〕於是玄冬季月。天地隆烈。萬物權輿於內。徂落於外。帝將惟田于靈之囿。開北垠。受不周之制。以奉終始。顓頊玄冥之統。迺詔虞人典澤。東延昆鄰。西馳閭闔。儲積共恃。戍卒夾道。斬叢棘。夷野草。禦自汧渭。經營鄴鎬。章皇周流。出入日月。天與地杳。爾迺虎路三峻。以爲司馬。圍經百里而爲殿門。外則正南極海。邪界虞淵。鴻濛沆茫。揭以崇山。營合圍會。然後先置乎白楊之南。昆明靈沼之東。賁育之倫。蒙盾負羽。杖鎔邪而羅者。以萬計。其餘荷垂天之畢。張竟埜之罟。靡日月之朱竿。曳彗星之飛旗。青雲爲紛。虹蜺爲纓。屬之乎崑崙之虛。渙若天星之羅。浩如濤水之波。淫淫與與。前後要遮。櫓槍爲闔。明月爲候。熒惑司命。天弧發射。鮮扁陸離。駢衍必路。徽車輕武。鴻網捷獵。殷殷軫軫。被陵緣坂。窮窔極遠者。相與列乎高原之上。羽騎營營。叩分殊事。續紛往來。輻轡不絕。若光若滅者。布乎青林之下。〔以上獵場之廣儀衛之盛〕於是天子乃以陽晁始出乎玄宮。撞鴻鐘。建九旒。六白虎。載靈輿。蚩尤並轂。蒙公先驅。立歷天之旂。曳捎星之旂。霹靂烈缺。吐火施鞭。萃從沆溶。

淋離廓落。戲入鎮而開關。飛廉雲師。吸鼻瀟率。鱗羅布列。攢以龍翰。
啾啾踰踰。入西園。切神光。望平樂。徑竹林。蹂蕙圃。踐蘭唐。〔以上天
子親至獵所〕舉烽烈火。轡者施技。方馳千駟。狡騎萬師。攄虎之陳。
從橫膠鬲。森拉雷厲。躡駢駘。盪洶旭。天動地。岌。羨漫半散。蕭條
數千里外。若夫壯士。忼慨殊鄉。別趣東西南北。騁者奔欲。地蒼稀。跋
犀聲。蹶浮塵。斯巨挺。搏玄援。騰空虛。距連卷。踔天矯。俟澗閒。莫莫紛
紛。山谷爲之風。森林叢爲之生塵。〔以上正賦田獵〕及至獲夷之徒。
蹶松柏。掌蒺藜。獵蒙龍。麟輕飛。屢殷首。帶修蛇。鉤赤豹。掙象犀。趾巖
阬。超唐陂。車騎雲會。登降閭闔。泰華爲旒。熊耳爲綴。木介山還。漫若
天外。儲與乎大浦。聊浪乎宇內。於是天清日晏。逢蒙列眚。羿氏控弦。
皇車幽囑。光純天地。望舒彌轡。翼乎徐至。於上蘭。移圍徙陣。浸淫蹴
部。曲隊堅重。各按行伍。壁壘天旋。神扶電擊。逢之則碎。近之則破。鳥
不及飛。獸不得過。軍驚師駭。刮野掃地。及至罕車飛揚。武騎聿皇。蹈
飛豹。繡噪陽。追天寶。出一方。應駢聲。擊流光。野盡山窮。囊括其雌雄。
沈沈溶溶。遙噓乎絃中。三軍茫然。窮尤闕與。亶觀乎剽禽之繼踰。犀
兕之抵觸。熊羆之拏攫。虎豹之凌遽。徒角搶題。注蹙竦。驚怖魂亡。魄
失。觸輻關脰。安發期中。進退履獲。創淫輪夷。邱累陵聚。〔以上獲禽
之多〕於是禽殫中衰。相與集於靖冥之館。以臨珍池。灌以岐梁。溢

以江河東瞰目盡西暢無崖。隋珠和氏焯爍其陂。玉石鬱崱眩耀青
熒。漢女水潛怪物暗冥。不可殫形。玄鸞孔雀翡翠垂榮。王睢關關鴻
雁嚶嚶羣娛乎其中。噍噍昆鳴鳬鷺振鷺上下。砰磕聲若雷霆。乃使
文身之技水格鱗蟲。凌堅冰犯嚴淵。探巖排磳。薄索蛟螭。蹈獮獮。據
鼉鼉。扶靈蠟入洞穴。出蒼梧。乘巨鱗。騎京魚。浮彭蠡。目有虞。方椎夜
光之流離。剖明月之珠胎。鞭洛水之宓妃。餉屈原與彭胥。一以上水
嬉。一於茲乎鴻生鉅儒。俄軒冕雜衣裳。修唐典匡雅頌。揖讓於前。昭
光震耀。嚶咎如神。仁聲惠於北狄。武誼動於南鄰。是以旃裘之王。胡
貉之長。移珍來享。抗手稱臣。前入圍口。後陳廬山。羣公常伯。楊朱墨
翟之徒。喟然並稱曰。崇哉乎德。雖有唐虞大夏成周之隆。何以侈茲。
夫古之覲東嶽禪梁基。舍此世也。其誰與哉。上猶謙讓而未俞也。方
將上獵三靈之流。下決醴泉之滋。發黃龍之穴。窺鳳皇之巢。臨麒麟
之囿。幸神雀之林。奢雲夢侈孟諸。非章華是靈臺。罕徂離宮。而輟觀
游。土事不飾。木功不彫。承民乎農桑。勸之以弗怠。儕男女使莫違。恐
貧窮者不徧。被洋溢之饒。開禁苑散公儲。創道德之囿。卯仁惠之虞。
馳弋乎神明之囿。覽觀乎羣臣之有亡。放雉兔收罝罟。麋鹿芻蕘。與
百姓共之。蓋所以臻茲也。於是醇洪鬯之德。豐茂世之規。加勞三皇。
勗勤五帝。不亦至乎。乃祇莊雍穆之徒。立君臣之節。崇賢聖之業。未

遑苑囿之麗。游獵之靡也。因回軫還衡。背阿房。反未央。〔以上諷諫反之於道德〕

揚雄長楊賦〔并序〕

明年上將大誇胡人。以多禽獸。秋命右扶風發民入南山。西自褒斜。東至弘農。南毆漢中。張羅網罟。罟捕熊羆豪豬虎豹。狄獾狐兔麋鹿。載以檻車。輪長楊射熊館。以網爲周法。縱禽獸其中。令胡人手搏之。自取其獲。上親臨觀焉。是時農民不得收斂。雄從至射熊館還。上長楊賦。聊因筆墨之成文章。故藉翰林以爲主人。子墨爲客。卿以諷。其辭曰。

子墨客卿問於翰林主人曰。蓋聞聖主之養民也。仁霑而恩洽。動不爲身。今年獵長楊。先命右扶風。左太華而右褒斜。掾截辭而爲弋。紆南山以爲罟。羅千乘於林莽。列萬騎於山隅。帥軍蹕法。錫戎獲胡。搃熊羆。拖豪豬。木擁槍纍。以爲儲胥。此天下之窮覽極觀也。雖然。亦頗擾于農人。三旬有餘。其廬至矣。而功不圖。恐不識者。外之則以爲娛樂之游。內之則不以爲乾豆之事。豈爲民乎哉。且人君以玄默爲神。澹泊爲德。今樂遠出。以露威靈。數搖動。以罷車甲。本非人主之急務也。蒙竊惑焉。翰林主人曰。吁。客何謂茲耶。若客所謂。知其一未覩其二。見其外不識其內也。僕嘗倦談。不能一二其詳。請略舉其凡。而客

自覽其切焉。客曰唯唯。主人曰。昔有彊秦。封豕其土。竄竄其民。鑿齒之徒。相與磨牙而爭之。豪俊麀沸雲擾。羣黎爲之不康。於是上帝眷顧高祖。高祖奉命。順斗極。運天關。橫鉅海。漂崑崙。提劍而叱之。所過靡城。擲邑。下將降旗。一日之戰。不可殫記。當此之勤。頭蓬不暇梳。飢不及餐。鞮整生蟻。蟲介冑。被霑汗。以爲萬姓請命乎。皇天。迺展人之所詘。振人之所乏。規億載。恢帝業。七年之間。而天下密如也。以上高祖武功。一逮至聖文。隨風乘流。方垂意於至甯。躬服節儉。綈衣不弊。革鞜不穿。大廈不居。木器無文。於是後宮賤瑋瑁而疏珠璣。卻翡翠之飾。除雕琢之巧。惡麗靡而不近。斥芬芳而不御。抑止絲竹宴衍之樂。憎聞鄭衛幼眇之聲。是以玉衡正而太階平也。以上孝文儉約。一其後熏鬻作虐。東夷橫畔。羌戎睚眦。閩越相亂。遐眠爲之不安。中國蒙被其難。於是聖武勃怒。爰整其旅。迺命驃衛。汾汙沸渭。雲合電發。焱騰波流。機駭蠡軼。疾如奔星。擊如震霆。碎輶輶。破穹廬。腦沙幕。膽余吾。遂躡乎王庭。毆橐駝。燒燿蠡。分勢單于。磔裂屬國。夷阬谷。拔鹵莽。刊山石。蹂屍輿廐。係累老弱。吮鉅癰者。數十萬人。皆稽顙樹領。扶服蛾伏。二十餘年矣。尚不敢惕息。夫天兵四臨。幽都先加。迴戈邪指。南越相夷。靡節西征。羌棘東馳。是以遐方疏俗。殊鄰絕黨之域。自上仁所不化。茂德所不綏。莫不躡足抗首。請獻厥珍。

使海內澹然永亡邊城之災。金革之患。〔以上武帝兵事〕今朝廷純仁。遵道顯義。并包書林。聖風雲靡。英華沈浮。洋溢八區。普天所覆。莫不沾濡。士有不談王道者。則樵夫笑之。意者以爲事罔隆而不殺。物靡盛而不虧。故平不肆險。安不忘危。迺時以有年出兵。整輿竦戎。振師五柞。習馬長楊。簡力狡獸。校武票禽。迺萃然登南山。瞰烏弋。西厭月窟。東震日域。〔以上元成太平宴安。故講武以安。不忘危。〕又恐後代迷於一時之事。常以此爲國家之大務。淫荒田獵。陵夷而不禦也。是以車不安軻。日未靡旃。從者彷彿。飢屬而還。亦所以奉太尊之烈。遵文武之度。復三王之田。反五帝之虞。使農不輟耰。工不下機。婚姻以時。男女莫違。出愷弟。行簡易。矜勛勞。休力役。見百年存孤弱。帥與之同苦樂。然後陳鐘鼓之樂。鳴鞀磬之和。建碣磬之虞。拊隔鳴球。掉八列之舞。酌允鑠。肴樂胥。聽廟中之雍雍。受神人之福祉。歌投頌。吹合雅。其勤若此。故真神之所勞也。〔以上諷諫〕方將俟元符。以禪梁甫之基。增泰山之高。延光於將來。比榮乎往號。豈徒欲淫覽浮觀。馳騁杭稻之地。周流黎粟之林。蹂踐芻蕘。誇詡衆庶。盛狄獵之收。多麋鹿之獲哉。且盲者不見咫尺。而離婁燭千里之隅。客徒愛胡人之獲我禽獸。曾不知我亦已獲其王侯。言未卒。墨客降席。再拜稽首曰。大哉體乎。允非小人之所能及也。迺今日發矇。廓然已昭矣。

揚雄甘泉賦〔並序〕

珍做宋版印

孝成帝時。客有薦雄文似相如者。上方郊祀甘泉泰畤。陰后土以求繼嗣。召雄待詔承明之庭。正月從上甘泉還。奏甘泉賦以諷。其辭曰。

惟漢十世。將郊上玄。定泰畤。雍神休。尊明號。同符三皇。錄功五帝。卹胤錫羨。拓迹開統。於是乃命羣僚。歷吉日。協靈辰。星陳而天行。詔招搖與太陰兮。伏鉤陳使當兵。屬堪輿以壁壘兮。捎夔魑而扶獮狂。八神奔而警蹕兮。振殷鑠而軍裝。蚩尤之倫。帶干將而秉玉戚兮。飛蒙茸而走陸梁。齊總總以搏搏。其相膠轕兮。焱駭雲迅奮以方攘。駢羅列布鱗以雜沓兮。柴虎參差魚頤而鳥旂。翕赫咎霍霧集而蒙合兮。半散昭爛粲以成章。於是乘輿迺登。夫鳳皇兮。而翳華芝。駟蒼螭兮。六素虬。螭略裝綬。離虛縻纚。帥爾陰閉。雲然陽開。騰清霄而軼浮景兮。夫何旗旌郅偃之旖旎也。流星旆以電燭兮。咸翠蓋而鸞旗。敦萬騎於中營兮。方玉車之千乘。聲駢隱以陸離兮。輕先疾雷而馭遺風。凌高衍之崿嶷兮。超紆譎之清澄。登椽欒而扞天門兮。馳閭闔而入淩兢。是時未轡夫甘泉也。迺望通天之繹繹。下陰潛以慘廩兮。上洪紛而相錯。直嶢嶢以造天兮。厥高慶而不可乎彌度。平原唐其壇曼兮。列新雉於林薄。攢并閭與芟蔕兮。紛被麗其亡鄂。崇邱陵之駸駸。

兮深清。欽巖而爲谷。達達離宮。般以相燭兮。封巒石關。施靡乎延屬。
於是大廈雲譎。波詭摧囀而成觀。仰橋首目。高視兮。目冥眴而亡見。
正瀏濫以宏摐兮。指東西之漫漫。徘徊徊以徨徨兮。魂眇眇而昏亂。
據軫軒而周流兮。忽坱圠而亡垠。翠玉樹之青蔥兮。壁馬犀之璘珣。
金人仡仡其承鐘虞兮。嵌巖巖其龍鱗。揚光曜之燎燭兮。垂景炎之
炘炘。配帝居之縣圖兮。象泰壹之威神。洪臺崛其獨出兮。掇北極之
嶙嶙。列宿迺施於上榮兮。日月纔經於枼楨。雷鬱律於巖窅兮。電儵
忽於牆藩。鬼魅不能自逮兮。半長途而下顛。歷倒景而絕飛梁兮。浮
蟻蠊而撇天。左櫟槍而右玄冥兮。前燁闕而後應門。蔭西海與幽都
兮。涌醴汨以生川。蛟龍連蜷於東厓兮。白虎敦圉乎崑崙。覽穆流於
高光兮。溶方皇於西清。前殿崔巍兮。和氏玲瓏。炕浮柱之飛棟兮。神
莫莫而扶傾。閱閭闔其寥廓兮。似紫宮之崢嶸。駢交錯而曼衍兮。嵯
嶇隗乎其相嬰。乘雲閣而上下兮。紛蒙籠以棍成。曳紅采之流離兮。
颺翠氣之宛延。襲琬室與傾宮兮。若登高眇遠。肅乎臨淵。回森肆其
碭駭兮。披桂椒而鬱移楊。香芬弗以穹隆兮。擊樽壚而將榮。薌呖舂
以棍批兮。聲駢隱而歷鍾。排玉戶而颺金鋪兮。發蘭蕙與芎藭。帷珊
環其拂汨兮。稍暗暗而靚深。陰陽清濁穆羽相和兮。若夔牙之調琴。
般倕棄其剗。剛兮。王爾投其鉤繩。雖方征僑與倕。佳兮。猶彷彿其若

夢於是事變物化。目駭耳回。蓋天子穆然。珍臺閒館。璇題玉英。蠅蟻
蟻。漢之中。惟夫所以澄心清魂。儲精垂恩。感動天地。逆釐三神者。迺
搜述索偶。皋伊之徒。冠倫魁能。函甘棠之惠。挾東征之意。相與齊乎
陽靈之宮。靡薛荔而爲席兮。折瓊枝以爲芳。吸清雲之流瑕兮。飲若
木之露英。集乎禮神之囿。登乎頌祇之堂。建光耀之長旂兮。昭華履
之威威。攀璇璣而下視兮。行游目乎三危。陳衆車於東阡兮。肆玉軌
而下馳。漂龍淵而還九垓兮。窺地底而上回。風縱縱而扶轄兮。鸞鳳
紛其銜蕤。梁弱水之滌滌兮。躡不周之逶蛇。想西王母欣然而上壽
兮。屏玉女而卻宓妃。玉女亡所眺其清矚兮。宓妃曾不得施其蛾眉。
方攬道德之精剛兮。侔神明與之爲資。於是欽柴宗祈。燎薰皇天。皋
搖泰一。舉洪頤。樹靈旗。樵蒸昆上。配藜四施。東燭滄海。西耀流沙。北
熒幽都。南煬丹厓。玄贊鯨鰲。拒鬯沽淡。脀饗豐融。懿懿芬芳。炎感黃
龍兮。燁訛碩麟。選巫咸兮。叫帝閭。開天庭兮。延羣神。賔暗藹兮。降清
壇。瑞穰穰兮。委如山。於是事畢功弘。迴車而歸。度三巒兮。偈棠黎。天
閭決兮。地垠開。八荒協兮。萬國諧。登長平兮。雷鼓噓。天聲起兮。勇士
厲。雲飛揚兮。雨滂沛。于胥德兮。麗萬世。亂曰。崇崇園邱。隆隱天兮。登
降剌施。單堦垣兮。增宮嵯差。駢嵯峨兮。嶺嶸嶸。嶸嶸嶸兮。洞無厓兮。上天之
絳。杳旭卉兮。聖皇穆穆。信厥對兮。徠祇郊禋。神所依兮。徘徊招搖。靈

迤邐兮。輝光眩耀。降厥福兮。子子孫孫。長無極兮。

揚雄河東賦

伊年暮春。將瘞后土。禮靈祇。謁汾陰於東郊。因茲以勒崇垂鴻。發祥
隕祉。欽若神明者。盛哉鑠乎。越不可載已。於是命羣臣。齊法服。整靈
輿。迺撫翠鳳之駕。六先景之乘。掉奔星之流旒。攬天狼之威弧。張耀
日之玄旄。揚左纛。被雲梢。奮電鞭。驂雷輜。鳴洪鐘。建五旗。羲和司日。
顏倫奉輿。風發飄拂。神騰鬼趯。千乘霆亂。萬騎屈橋。嘻嘻旭旭。天地
稠叢。簸邱跳巒。涌渭躍涇。秦神下囂。路魂負沴。河靈嬰謁。爪華蹈襄。
遂臻陰宮。穆穆肅肅。蹲蹲如也。靈祇既鄉。五位時敘。罔緼玄黃。將紹
厥後。於是靈輿安步。周流容與。以覽乎介山。嗟文公而愍推兮。勤大
禹於龍門。灑沈菑於豁瀆兮。播九河於東瀕。登歷觀而遙望兮。聊浮
游以經營。樂往昔之遺風兮。喜虞氏之所耕。瞰帝唐之嵩高兮。睎隆
周之大甯。汨低回而不能去兮。行睨陔下。與彭城。藏南巢之坎圻兮。
易齒岐之夷平。乘翠龍而超河兮。陟西岳之嶢嶢。雲霧霏而來迎兮。
澤滲澼而下降。鬱蕭條其幽藹兮。滄汎沛以豐隆。叱風伯於南北兮。
呵雨師於西東。參天地而獨立兮。廓盪盪其無雙。遵逝乎歸來。以函
夏之大漢兮。彼曾何足與比功。建乾坤之貞兆兮。將悉總之以羣龍。
麗鉤芒與驂蓐收兮。服玄冥及祝融。敦衆神使式道兮。奮六經以攬

頌。喻於穆之緝熙兮。過清廟之離離。軼五帝之遐迹兮。躡三皇之高蹤。既發軔於平盈兮。誰謂路遠而不能從。

揚雄反離騷

有周氏之蟬嫣兮。或鼻祖於汾隅。靈宗初諫伯儵兮。流于末之楊侯。淑周楚之豐烈兮。超既離虜皇波。因江潭而往記兮。欽弔楚之湘纍。惟天軌之不辟兮。何純絜而離紛。紛纍以其渙忽兮。暗纍以其續紛。漢十世之陽朔兮。招搖紀于周正。正皇天之清則兮。度后土之方貞。圖纍承彼洪族兮。又覽纍之昌辭。帶鉤矩而佩衡兮。履欂櫨以爲基。素初貯厥麗服兮。何文肆而質難。資姬姪之珍髡兮。鬻九戎而索賴。鳳皇翔於蓬階兮。豈駕鵠之能捷。騁驊騮以曲難兮。驢騾連蹇而齊足。枳棘之榛榛兮。緩猊擬而不敢下。靈修既信椒蘭之嗟佞兮。吾纍忽焉而不蚤睹。衿芰茄之綠衣兮。被芙蓉之朱裳。芳酷烈而莫聞兮。固不如襲而幽之離房。閨中容競淖約兮。相態以麗佳。知衆嫫之嫉妒兮。何必颺纍之蛾眉。懿神龍之淵潛兮。埃慶雲而將舉。亡春風之被離兮。孰焉知龍之所處。愍吾纍之衆芳兮。颺燁燁之芳苓。遭季夏之凝霜兮。慶夭賴而喪榮。橫江湘以南淮兮。云走乎彼蒼吾。馳江潭之汎溢兮。將折衷乎重華。舒中情之煩或兮。恐重華之不纍。與陵陽侯之素波兮。豈吾纍之獨見許。精瓊靡與秋菊兮。將以延夫天年。臨

汨羅而自隕兮。恐日薄於西山。解扶桑之總轡兮。縱令之遂奔馳。鸞皇騰而不屬兮。豈獨飛廉與雲師。卷薜芷與若蕙兮。臨湘淵而投之。梔申椒與菌桂兮。赴江湖而漚之。費椒糈巨要神兮。又勤索彼瓊茅。違靈氛而不從兮。反湛身於江皋。纍既火夫傅說兮。奚不信而遂行。徒恐鸛鷀之將鳴兮。顧先百草爲不芳。初纍棄彼處如兮。更思瑤臺之逸女。攄雄鳩巨作媒兮。何百離而曾不壹耦。乘雲輓之旂旒兮。望昆侖巨樛流。覽四荒而顧懷兮。奚必云女彼高邱。旣亡鸞車之幽藹兮。焉駕八龍之委蛇。臨江瀕而掩涕兮。何有九招與九歌。夫聖哲之不遭兮。固時命之所有。雖增欷巨於邑兮。吾恐靈修之不纍改。昔仲尼之去魯兮。斐斐遲遲而周邁。終回復於舊都兮。何必湘淵與濤瀨。溷漁父之鋪歎兮。絜沐浴之振衣。弃由聃之所珍兮。蹠彭咸之所遺。揚雄解嘲〔并序〕

哀帝時。丁傅董賢用事。諸附離之者。起家至二千石。時雄方草創太玄。有以自守。泊如也。人有嘲雄以玄之尚白。雄解之。號曰解嘲。其辭曰。

客有嘲揚子曰。吾聞上世之士。人綱人紀。不生則已。生必上尊人君。下榮父母。析人之珪。僭人之爵。懷人之符。分人之祿。紆青拖紫。朱丹其轂。今吾子幸得遭明盛之世。處不諱之朝。與羣賢同行。歷金門。上

玉堂有日矣。曾不能畫一奇。出一策。上說人主。下談公卿。目如耀星。舌如電光。一從一橫。論者莫當。顧默而作太玄五千文。枝葉扶疎。獨說數十餘萬言。深者入黃泉。高者出蒼天。大者含元氣。細者入無閒。然而位不過侍郎。擢纔給事黃門。意者玄得無尚白乎。何爲官之拓落也。揚子笑而應之曰。客徒朱丹吾轂。不知一跌將亦吾之族也。往者周網解結。羣鹿爭逸。離爲十二。合爲六七。四分五剖。并爲戰國。士無常君。國無定臣。得士者富。失士者貧。矯翼厲翮。恣意所存。故士或自盛以臺。或鑿塚以遁。是故鄒衍以頡頏而取世資。孟軻雖連蹇。猶爲萬乘師。今大漢左東海。右渠搜。前番禺。後椒塗。東南一尉。西北一候。徽以糾墨。制以鑕鉢。散以禮樂。風以詩書。曠以歲月。結以倚廬。天下之士。雷動雲合。魚鱗雜襲。咸營于八區。家家自以爲稷契。人人自以爲皋陶。戴縱垂纓而談者。皆擬於阿衡。五尺童子。羞比晏嬰與夷吾。當途者升青雲。失路者委溝渠。日握權則爲卿相。夕失勢則爲匹夫。譬若江湖之崖。渤澥之島。乘雁集不爲之多。雙鳬飛不爲之少。昔三仁去而殷墟。二老歸而周熾。子胥死而吳亡。種蠡存而越霸。五穀入而秦喜。樂毅出而燕懼。范雎以折摺而危穰侯。蔡澤以噤吟而笑唐舉。故當其有事也。非蕭曹子房。平勃樊霍。則不能安。當其無事也。章句之徒。相與坐而守之。亦無所患。故世亂則聖哲馳驚。而不足世。